
ТОШЛОҚ ТУМАНИДАГИ “ПИЁЗЧИЛИК” МАҲАЛЛАСИ ОБОД ВА КЎРКАМ ҚИЁФА КАСБ ЭТДИ

“Пиёзчилик” маҳалла фуқаролар йиғинида “Обод хонадон - обод кўча - обод маҳалла” мезонлари асосида кенг кўламдаги ободонлаштириш ва бунёдкорлик ишлари қизғин тус олди. Маҳаллада тоза ичимлик суви, йўл таъмири, электр энергия ва газ таъминоти, тиббий ёрдам кўрсатиш, бандлик масаласи билан боғлиқ кўплаб ишлар амалга оширилди.

“Обод хонадон” мезонлари асосида уй-жойи таъмирга муҳтож ва оғир шароитда яшаётган 11 та оилаларнинг турар жойлари таъмирлаб берилган бўлса, “Обод кўча” мезонлари бўйича 9 та кўчада асфальтлаш, пиёдалар йўлагини қуриш ҳамда электр таъминотини яхшилаш ишлари бажарилди. Маҳаллага кириш қисмига замонавий стелла ўрнатилди. 1,1 км. ички йўллар асфальтлаштирилиб, Баҳмал кўчасига 400 метр бетон тўсиқлар ўрнатилди. 2,2 км. пиёдалар йўлаги барпо этилди. Электр таъминотини яхшилаш мақсадида 2 донa 160 кВaли трансформатор пункти ўрнатилди. 330 та симёғоч устунлари янги темир-бетон таянчларига алмаштирилди ҳамда 8,1 км. сип кабель ва 10 кВaли ҳаво тармоқлари тортилди. Фахр, Муҳандис ва Истиқбол кўчаларида 2,3 км. узунликдаги янги ичимлик суви тармоғи тортилиб, 120 та хонадонлар тоза ичимлик суви билан таъминланди. Ана шундай тизимли ишларнинг натижасида аҳолининг узoқ йиллардан бери ўйлантириб келаётган энг бирламчи ҳаётий эҳтиёжлари ҳал этилди.

Бугун “Пиёзчилик” маҳалласининг янги биноси, 2 та савдо ва маиший хизмат кўрсатиш биноси, автосалон ҳамда пойабзал ва кийим кечак дўконлари тантанали тадбир билан фойдаланишга топширилди. Мазкур тадбирларда Президент Администрацияси масъул ходими Фахриддин Мусаев, вилоят солиқ бошқармаси бошлиғи Мақсудхон Маматхонов, туман ҳокими Абдуқаҳҳор Жўрабоев ҳамда маҳалла аҳли иштирок этди.

Бир сўз билан айтганда, “Обод хонадон - обод кўча - обод маҳалла” мезонларини жорий этиш чекка ва олис қишлоқларни обод ва кўркам масканларга айлантирмоқда. Буни одамларнинг эътирофи, эътиборига сазовор бўлаётган амалий ишлар кўрсатиб турибди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2024-03-29 20:29:25